

selbe hus unde garten habe wir dem egnanten Petern Storm czu phande geligen vor di egeschr(iebenen) phennige, als phandes recht ist. Gescheen M CCCC quinto ame sunnabende vor purificacionis virginis Marie.

a) folgt durchgestrichen gr

## 214.

1405 Juni 6

### ***Johannes Holcborn und seine Stiefmutter teilen ihre Güter.***

fol. 30v <sup>(a)</sup>Wisset daz vor uns in unsern siczinden rath komen synt Johannes Holcborn unde Katherin, syne styfemuter, und haben uns vorkundiget, daz sy sich umme ein teyl erbe unde guter, dy vom rath der stad czu lehen gen,<sup>b)</sup> geteylt und voreynet habin, daz Katherin, der styfemuter, dy wise, gelegen by Belwicer Holcz, dy Knollen ist gevest, gebüret unde volgen schol und dy czu<sup>c)</sup> iren teyl sol haben czu eynen rechten erbe. Dy selbe wise hat Johannes Holcborn der frauwen, syner styfemuter, da uffgelazin. Dy<sup>d)</sup> wyse habe wir<sup>e)</sup> der selbin frauwen geligen czu eyme rechten erbe mit alle den rechten, alz<sup>c)</sup> er ir dy uffgelazin hat. Ouch hat<sup>e)</sup> frauwe Katherin, dy<sup>c)</sup> styfemuter, egnant vor uns Johanni Holcborn gerett und gelobt, geschee daz ir hirnach dy megnante wyse feyle würde<sup>f)</sup> unde wolde vorkawfen, so sol sy dy Johannes Holcborn anbiten unde ym dy vorkawfen, ab er dy kawfen wiel, unde sol ym dy lazin werden, nach irer wertschaft umme soviel geldes, als dy bürger, der gesworne<sup>g)</sup> rath, der czu der czit erkennen,<sup>h)</sup> schaczen unde ufsagen. Ouch ab frauwe Katherina mergnante dy wyse czu selegerethe gebe czu goteshüsern beschiede und dy wise selber mit wissintschafft nicht schaczte wy viel geldes Johannes Holcborn dorumme gebin solde, so sullen dy bürger, der rath der stad, gesworne dy wise richten unde schaczen in aller formen unde<sup>i)</sup> mase, alz vorgeschr(ieben) stet. Actum M<sup>o</sup> quadringentesimo quinto vigilia penthecostes.

a) alles durchgestrichen b) folgt durchgestrichen geeynt unde c) über die Zeile geschrieben d) folgt durchgestrichen ha e) am linken Rand, Einfügestelle gekennzeichnet f) am rechten Rand, Einfügestelle gekennzeichnet g) folgt durchgestrichen der rath h) folgt durchgestrichen unde uffsagen i) folgt durchgestrichen wise

## 215.

1405 -- [?]

### ***Eintrag über den alten Stiger (unvollständig).***

fol. 31r Wisset daz der alde Stiger hat syne wyse, gelegen by<sup>a)</sup>

a) bricht ohne Ende ab